

Assalamualaikum WBT dan Salam Sejahtera,  
YBrs/Dr./ Ir./ Ts./ Tuan/Puan,  
Hebahan koleksi keratan akhbar terpilih minggu ini untuk makluman dan rujukan.

1.	TAJUK	LEBIH SATU TAN IKAN MATI DI SUNGAI BEKOK
	SUMBER	BH (24 SEPTEMBER 2025)
	BIDANG PERKARA/SUBJEK	ALAM SEKITAR
	MUKA SURAT/RUANGAN	19 (NASIONAL)

# Lebih satu tan ikan mati di Sungai Bekok

**Hasil siasatan JAS dapati pelepasan najis ladang ternakan disyaki jadi punca**

Oleh Alias Abd Rani  
[bhnews@bh.com.my](mailto:bhnews@bh.com.my)

**Batu Pahat:** Lebih satu tan ikan air tawar pelbagai spesies ditemukan mati di Sungai Bekok, dekat Yong Peng, dipercayai ada kaitan dengan pelepasan sisa najis dari ladang ternakan berhampiran. Berdasarkan tinjauan, antara spesies ikan ditemukan mati memabihkan baung, lampam, terbol dan hundu yang mana bangkainya boleh dilihat sejauh 15 kilometer (km) di sepanjang sungai terbabit.

Penduduk, Muhd Sufi Sharifuddin, 31, yang juga nelayan di sungai itu berkata, kejadian kali ini menyaksikan paling banyak ikan ditemui mati sejak dia menetap di kawasan itu, lima tahun lalu. "Akhir bulan lalu, hampir satu tan ikan ditemukan mati dan ketika itu, saya bersama Jabatan Perikanan melakukan tinjauan di sungai bagi mengenal pasti puncanya. "Kejadian pada 18 September lalu adalah terbesar kerana lebih banyak ikan ditemukan mati sama ada bersaiz kecil mahupun besar," katanya. Muhd Sufi berkata, penduduk tidak menolak kemungkinan kejadian itu berpunca sisa najis daripada ladang ternakan ayam berhampiran, apabila air najis disalurkan ke dalam parit kemudiannya memasuki sungai berikutan hujan lebat sejak beberapa hari sebelum itu. "Biasanya bulan hujan lebat air najis akan dibawa ke sungai.

Ketika cuaca panas, ia tidak berlaku seperti ini kerana sisa najis tersangkut dalam parit. "Perkara ini pernah diajukan kepada pihak berkuasa, termasuk menjalankan tinjauan bersama pegawai penguat kuasa Jabatan Alam Sekitar (JAS) supaya tindakan segera diambil. "Sebelum ini, ada kakitangan Jabatan Perikanan turut membuat pemeriksaan bagi mengenal pasti punca," katanya. **JAS buat siasatan** Sementara itu, JAS melalui kenyataan memaklumkan pegawai penyiasat menyusuri sungai bermula dari Sungai Temehel ke arah hulu Sungai Bekok dan mendapati aduan itu berasas. "Dengan bantuan orang awam, pasukan menemui satu alur air berwarna hitam serta berbau busuk yang disyaki punca pencemaran Sungai Bekok. "Hasil siasatan mendapati ia



Ikan air tawar pelbagai spesies ditemukan mati di Sungai Bekok, dekat Yong Peng, semalam. (Foto Alias Abd Rani dan Muhd Sufi /BH)

dari tapak penyimpanan najis ayam di sebuah ladang ternakan yang tidak dikawal selia dengan baik sehingga menyebabkan kercacau ganggu awam dan mencemari air sungai.

"Surat pemakluman sudah dipanjangkan kepada agensi berkaitan bagi menangani isu ini. Aktiviti ternakan tidak dikuatkuasakan di bawah Akta Kualiti Alam Sekeliling 1974," katanya.

2.	TAJUK	DIDAKWA DARIPADA PELEPASAN SISA NAJIS LADANG TERNAKAN : LEBIH 1 TAN IKAN MATI
	SUMBER	HM (24 SEPTEMBER 2025)
	BIDANG PERKARA/SUBJEK	ALAM SEKITAR
	MUKA SURAT/RUANGAN	6 (LOKAL)



AIR najis yang disalurkan ke dalam parit berhampiran.



BANGKAI ikan yang ditemui mati di dalam sungai.

## DIDAKWA DARIPADA PELEPASAN SISA NAJIS LADANG TERNAKAN

# Lebih 1 tan ikan mati!

Oleh Alias Abd Rani  
am@hmetro.com.my

### Batu Pahat

Lebih satu tan ikan air tawar pelbagai spesies ditemukan mati di Sungai Bekok dekat Yong Peng di sini, didakwa berpunca daripada pelepasan sisa najis dari ladang ternakan berhampiran.

Bangkai ikan terdiri daripada baung, lampam, terbol dan lundu itu dilihat terapung sejauh 15 kilometer di sepanjang sungai terbabit.

Nelayan sungai, Muhd Sufi Sharifudin, 31, berkata, kejadian kali ini adalah paling banyak ikan ditemui mati sejak dia menetap di

kawasan itu kira-kira lima tahun lalu.

"Pada akhir bulan lalu, hampir setan ikan ditemukan mati dan pada ketika itu, saya bersama Jabatan Perikanan melakukan tinjauan di sungai bagi mengenal pasti puncanya.

"Pada 18 September lalu adalah kes terbesar kerana lebih banyak ikan mati sama ada yang bersaiz kecil mahupun besar.

"Saya terkejut bila turun ke sungai dan melihat banyak ikan mati terapung. Ia boleh dilihat sepanjang 15 km menyusuri sungai terbabit.

"Kami tidak menolak kemungkinan ia berpunca sisa najis daripada ladang ternakan ayam berhampiran.

Air najis disalurkan ke dalam parit kemudiannya memasuki sungai berikutan hujan lebat sejak beberapa hari sebelum itu.

"Biasanya bulan hujan lebat air najis akan dibawa ke sungai. Ketika cuaca panas, ia tidak berlaku seperti ini kerana sisa najis tersangkut dalam parit," katanya ketika ditemui.

Sementara itu, pegawai Jabatan Alam Sekitar (JAS) Batu Pahat menjalankan siasatan aduan ikan mati di Sungai Bekok bagi mengenal pasti punca kejadiannya.

JAS dalam kenyataan memberitahu, pegawai penyiasat menyusuri sungai bermula dari Sungai Temhel ke arah hulu Sungai

Bekok dan mendapati aduan adalah berasas.

"Dengan bantuan orang awam, pasukan menemui satu alur air berwarna hitam serta berbau busuk yang disyaki punca pencemaran Sungai Bekok.

"Hasil siasatan mendapati ia dari tapak penyimpanan najis ayam di sebuah ladang ternakan yang tidak dikawal selia dengan baik sehingga menyebabkan kercacau ganggu awam dan mencemari air sungai.

"Surat pemakluman sudah dipanjangkan kepada agensi yang berkaitan bagi menangani isu ini. Aktiviti ternakan tidak dikuatkuasa di bawah Akta Kualiti Alam Sekeliling 1974," katanya.

3.	TAJUK	SISTEM SALIRAN TAK IKUT STANDARD
	SUMBER	HARIAN METRO (24 SEPTEMBER 2025)
	BIDANG PERKARA/SUBJEK	ALAM SEKITAR
	MUKA SURAT/RUANGAN	6 (LOKAL)

**Batu Pahat:** Kerja pembersihan sistem saliran tidak mengikut standard ditetapkan menjadi punca pencemaran anak sungai hingga menyebabkan banyak ikan mati di Sungai Bekok di sini.

Penemuan itu dibuat Bahagian Penguatkuasaan Majlis Daerah Yong Peng (MDYP) yang menjalankan pemantauan terhadap sebuah kilang memproses najis ayam susulan laporan pelepasan najis ayam ke dalam parit yang menyebabkan gangguan anak sungai.

MDYP dalam kenyataan berkata, sebelum ini pihak sudah mengeluarkan arahan supaya sisa najis ayam tidak dilepaskan ke dalam sungai yang menjadi punca pencemaran.

“Walaupun tindakan itu diambil pihak syarikat tetapi masih tidak mengikut standard pembinaan kolam tangkungan supaya sisa tidak



PENGUAT KUASA MDYP menjalankan pemantauan terhadap sebuah kilang memproses najis ayam susulan laporan pelepasan tinja (sisa buangan) ayam ke dalam parit.

## *Sistem saliran tak ikut standard*

lepas ke dalam sungai.

“Sebanyak tujuh kali pemantauan dijalankan sejak 11 hingga 17 September di dua lokasi iaitu Jalan Labis-Yong Peng, Kampung Ngamarto dan Batu 18, Mukim Chaah Baru.

“Pemantauan berkala dilakukan pada pagi dan petang ketika kilang mem-

proses dan menjual baja itu tidak beroperasi.

“Pemilik premis juga patut notis dikeluarkan pada 8 September 2025 untuk menghentikan perniagaan serta merta,” katanya kenyataan itu.

Sebelum ini, penduduk mendakwa, lebih setan bangkai ikan ditemukan te-

rapung di Sungai Bekok berpunca sisa najis dari ladang ternakan ayam yang memasuki sungai itu.

Pada masa masa, Jabatan Alam Sekitar (JAS) mengesahkan menemui alur air berwarna hitam serta berbau busuk yang disyaki punca pencemaran Sungai Bekok.

4.	TAJUK	GAJAH BERKELIARAN DI ULU TEMBELING : BIMBANG SANG BELALAI MUNCUL
	SUMBER	HARIAN METRO (25 SEPTEMBER 2025)
	BIDANG PERKARA/SUBJEK	ALAM SEKITAR
	MUKA SURAT/RUANGAN	13 (LOKAL)

Harian Metro | Khamis 25.09.2025

13

lokal



GAJAH yang sering dilihat berkeliaran di sekitar jalan antara Kampung Kuala Tahan dan Kampung Mat Daling, di Ulu Tembeling

## GAJAH BERKELIARAN DI ULU TEMBELING

# Bimbang sang belalai muncul

Oleh Amir Hamzah Nordin  
[am@hmetro.com.my](mailto:am@hmetro.com.my)

### Jerantut

Penduduk serta pelancong sekitar jalan antara Kampung Kuala Tahan dan Kampung Mat Daling, di Ulu Tembeling, di sini, gusar susulan kemunculan lebih 30 gajah yang sering berkeliaran di lokasi itu.

Imam Masjid Kampung Pagl, Mi Hamidi Nipah, 56, berkata, kumpulan gajah itu sering dilihat berkeliaran di jalan dan berhampiran kampung termasuk menghampiri rumah penduduk.

Menurutnya, kumpulan gajah itu turut dikesan

muncul di Kampung Samas dan berkeliaran di jalan sambil mencari makanan.

"Mungkin haiwan liar ini berdepan masalah gangguan habitat asal kesan aktiviti pembalakan.

"Memang terkejut (kemunculan gajah), tetapi penduduk kampung dan pelancong teruja dapat melihat haiwan liar itu," katanya semalam.

Penduduk Kampung Sat, Sallehudin Man, 59, berkata, jumlah haiwan itu dianggarkan lebih 30 ekor dan membabitkan pelbagai peringkat umur termasuk anak gajah.

Menurutnya, gajah itu terlalu kerap muncul di kawasan itu termasuk pesisir Sungai Tembeling di sini.

"Dipercayai aktiviti pembalakan dan perladangan di Ulu Tembeling punca habitat asal gajah liar ini terganggu.

"Walaupun kami sudah biasa dengan situasi ini, tetapi kami tetap berhati-hati menjaga keselamatan diri," katanya.

Penduduk Kuala Tahan, Azmi Saadon, 39, berkata, penduduk kini lebih berhati-hati memandu di kawasan itu khususnya pada waktu malam kerana kerap terserempak kumpulan gajah itu jalan raya.

Justeru beliau, berharap pihak bertanggungjawab dapat memperluaskan usaha pemuliharaan dan mengawal populasi gajah liar bagi mengelakkan kejadian tidak diingini.



KEHADIRAN sekumpulan gajah meresahkan penduduk dan pelancong.

Sekiranya YBrs/ Dr./ Ir./ Ts. /Tuan/Puan, memerlukan maklumat lanjut, hubungi  
Unit Perpustakaan EiMAS di emel berikut:

1. Haslinda Binti Mustafa ([haslindamustaffa@doe.gov.my](mailto:haslindamustaffa@doe.gov.my))
2. Jamilah Binti Abdullah ([jamilah@doe.gov.my](mailto:jamilah@doe.gov.my))
3. Azrawirda Zarza Binti Aznan ([zarza@doe.gov.my](mailto:zarza@doe.gov.my))

**Perpustakaan Enviro Digital@Eimas  
Institut Alam Sekitar Malaysia (EiMAS)  
Jabatan Alam Sekitar  
Kampus Universiti Kebangsaan Malaysia (UKM)  
43600 UKM Bangi, Selangor**